

COLLECTIVITE TERRITORIALE DE CORSE

ASSEMBLEE DE CORSE

1ERE SESSION EXTRAORDINAIRE POUR 2012

26 ET 27 JANVIER

N° 2012/E1/006

QUISTIONI A BOCCA DI MATTEA LACAVE

A NOME DI U GRUPPU FEMU A CORSICA

**Ogettu** : Prugettu di Scena Naziunale.

O Sgiò Presidente,

Sò qualchì mese ch'ellu si tratta di a quistione d'una scena naziunale in Corsica. A merria di Bastia chì, in principiu, era sola à capu di stu prugettu ci hà fattu sapè chì a Regione ne feria dinù parte.

Oghje, u nostru gruppu cum'è parechji attori culturali, si dumanda qualesu hè l'interessu d'un prugettu simile pè a nostra regione ? Qualesi sò i scopi precisi di sta realizzazione ? Qualesse seranu e conseguenze è qualesi seranu i risultati nantu à a vita isulana. Cumu stu prugettu pò ghjuvà à i creatori, à i publichi è a tutte e ghjente chì facenu campà a vita culturale in paese nostru ? Vi tocca à precisà a parte dedicata à a creazione isulana ch'ella sia in lingua corsa, francese o altru.

Ci piacerebbe à cunnosce a mettudulugia è u calendariu scelti. Per ciò chì tocca à u finanziamentu, quantu u prugettu glubbale hà da custà è chì parte hà da ripresentà un ingaggiamentu di a Cullettività nantu à u bugettu di a cultura ? È noi altri, l'eletti, emu da esse associati à tutte e tappe di st'impresa ?

Per compie ci pare di primura d'organizà una addunita larga di l'inseme di l'attori culturali è ancu una cunsultazione publica. Vulemu sapè sè vò seriate prontu à organizà reunione-dibattiti aperti à tutti, reunione d'infurmazione è di scambii perchè ognunu si pudessi sprime nantu à u sugettu di tanta impurtanza?